

প্রেমের বিভূতি
মোহাম্মদ আবদুর রাযযাক

সে রাতের দহলিজে কান্নারা করেছিল ভিড়।
তাল, লয়, সুরহীন, মন্দাক্রান্তা ভাঙনের গানে
দুঃখময় চারিদিক ছুঁয়েছিল আকাশের তীর;
যেখানে বিশীর্ণ চাঁদ কাঁদে চেয়ে পৃথিবীর পানে।

পাতায় পাতায় ঝরে শিশিরের সিক্ত ভালবাসা
যার প্রেমে সে পথিক জীবনের সীমানা পেরিয়ে
সুরলোকে ধাবমান। তবু এক অনন্ত জিজ্ঞাসা
মনে জাগে বার বার - কি গোপন বেদনা এড়িয়ে

চলে গেলো সে প্রেমিক, জীবনের সব গান ভুলে?
কি এমন ব্যথা তার? এ কি কোন তীব্র অভিমান?
বেদনা বিধুর কোন বদনায় হলাহল পান?
কে জানে কি ঘটেছিল তার জীবনের বেদীমূলে।

সে কোন অতীত থেকে প্রেমিক দিয়েছে আত্মাহুতি;
অন্তহীন প্রশ্ন রেখে তুলে ধরে প্রেমের বিভূতি।

সিডনী
জুলাই ৩, ২০০৮